

صاحبی ، مدیری ، محرری :



آبونه بدلی :

سنه لکی ۱۰۰ غروش

آتی آیلنی ۵۰ »

اوج آیلنی ۲۵ »

مخبر

۱۳۳۸

اداره خانه بی :

شهرزاده باشنده (تعالی اسلام)

جمعیتی مرکز عمومی

مرکز توزیعی :

باب عالی جاده سنده (اتحاد

تجارت) کتبخانه بی

اسلامک نفقه خادم مقالات

مع التشر قبول و درج اولونور

یازانک شخصیتی دکل : یازانک احمیتی
نظر دفته آلینیر .

دینی ، علمی ، ادبی ، اجتماعی و شیمیائی شهری
مجموعه اسلامیه

کان یازیلردن شایان قبول کورولنار تاریخ
صیراسیله درج اولونور .

عدد : ۷

۱۳۳۹ جمادی الاولی سنه مخصوص نسخه

فی ۷ بوجوق غروش

مندرجات :

- مخبر دینی و علمی : دارالشفقه به معاونتک لزومی - طاهر المولوی . اجتماع و دین اسلامی عصر یاشدیرمک - محمد عاطف .
- غریبک روح حقنده کی تلقیاتی - احمد حمدی . براز انصاف ایتسه لر - نیازی فیروزی .
- مخبر تاریخی : جمادی الاولی والآخره - طاهر المولوی . عالم اسلامده خاندان علم و معرفت - محمد عزت و محمد عارف .
- مستجابی زاده عصمت بک - سعود المولوی .
- مخبر فنی : علم هیئتک مبدای - سعدی .
- مخبر ادبی : مناجات - یشار شادی . مرثیه - یشار شادی . ای جلوه لی سنجاق - سعود المولوی . برغزل - طاهر المولوی .
- علاوه : هند ماصالری .

کثرتی تعقل اولنه بیلدی. چونکه قبل تعلق الاجساد تغایر
ایچون هیچ برسیب یوقدر.

اولجده سوبله دیکمز وجهله غزالینک بو بیساناتی
روحک قبل تعلق الابدان ماهیت نوعیهده متحد اولهرق
موجود اولدیغی کوستیر. جلال الدین رومی حضرت تلیزینک
مثنوی شریفده :

« منبسط بودیم ویک جوهر همه »

« بی سروبی پادیم آن سر همه »

« یک کهر بودیم همچون آفتاب »

« بی کره بودیم وصافی همچو آب »

« چون بصورت آمد آن نوز سره »

« شد عدد چون سایه های کنکره »

بیورمی وشارح مثنوی صاری عبدالله افندینک تماماً
صوفیانه اولان افادات آیه سی ده بونی کوستیر. شارح
فاضل دیوزکه : « اول عالم اطلاقه منبسط ایدک ودخی
اول ما خلق الله الدرة البيضاء حدیث شریفی فحواسنجه
جمله من جوهر واحد ایدک. جمله من اول طرف معاینه
بی سروپا ایدک. مرتبه احدیتده برکوه و آب کبی بی کره
وصاف ایدک؛ یعنی بو عالم صورته اولان امتیاز کبی اول
عالمده بر بریزدن متحیز اولمایوب آب کبی صافی و آفتاب
کبی نور منبسط ایدک. چونکه اول نور لطیف صورته
کلدی کنکره لک ظلالی کبی عدد اولدی. حاصل معنا
وقتا که قهرمان سلطنت وحدت وفرمان اطلاق احدیت
کمال جلا واستخلا اقتضا ایله دیسه شمس حقیقت وحدت
ذاتیه افق سماء تعین دن طالع و انوار اسماء الهیه وازهار
تعینات کونیه ساطعه اولوب مراتب عقول و ارواح و قوالب
اجسام و اشباح دن خانه اعیان کونیه و کلبه احزان اعدام
ممکنه بی روشن ایلدی و اعیان منبوره دن هر برینی قابلیت
واستعداد لری اولان مراتبه لایق قیلدی. یعنی فیض
اقدس ایله تعبیر اولان نور ذات مرتبه اعیان ثابته به بر تو
ایستکده مانند ظلال کنکره صور علمیه اعیان موجودات
ایله متعدده و بریزدن متحیزه اولدی. و فیض اقدس
مرتبه ارواحه کلکده هر بر روحک عین ثابته سی
بحسب الاستعداد وجود روحانی ایله موجود و بریزدن

هر عصرده تکملات بشریه و سعادات انسانیه بی کافل
بالجمله فوائد مدینه نافعیه محتویدر.

شو حالده شارح اعظم تعالی و تقدس حضرت تلیز
قرآن کریمیه هر عصرده، هر محیطده ایکنجی قسمدن
وقوعه کلان حوادث و وقایعه عائد احکام شرعیه نک اصولی
دائرة سنده اجتهاد و استنباطی خصوصنده [کله جک مقاله ده
بیان اولنه حق] شرائط اجتهادی جامع مجتهد لره صلاحیت
کامله و یردک باب اجتهادی آهشدر.

الویررکه اوصاف و شرائط اجتهادی جامع و بو
خصوصده قابلیت و استعدادی حائر ذوات یتششمش
اولسون. بو قابلیتده بولان هر یرده، هر عصرده قرآن
کریم ایله احادیث صحیحه نبویه دن استنباط احکام ایده بیلیر.
بو وجهله وقایع و حوادث جدیده لک احکامی حل
ایدنش اولور. فقط بو شرائط و قابلیت حائر اولمایانلر
ایچون هر زمان باب اجتهاد مسدوددر. آنلرک بوبابده
صلاحیتی، حظ و نصیبی یوقدر. آنک ایچون بونلر
آنجق اجله مجتهدینک قوللریله عمل ایتک مجبوریتده درلر.
اسکلیلی : محمد عاطف

غزالی نک روح حقنده کی تلقیاتی [۱]

— ۴ —

غزالی، ارواحک کیفیت تکثر و تغایرینه؛ بعدمفارقة
الاجساد اجسامه متعلق قالمایان ارواحک نه صورته باقی
قاله بیله چکنه دائر وارد اولان بر سؤالدهده شو یولده بر
جواب ویریور : « روح، بدنه تعلق ایستکدن صکره
علم، جهل، صفاء و کدورت، اُبی و کوتو اخلاق کبی
اوصاف مختلفه کسب ایدیور؛ بناء علیه یکدیگرینه مغایر
اولهرق بولونقلری حالده باقی قالیور؛ بوسیه مبنی درکه:
اجساد تعلقندن اولکی حاله مخالف اولهرق روحک

[۱] اشبهو مالاتک مأخذی اولان و امام غزالی به نسبت ایدیلان
(المضنون به علی غیر اهله) نام رساله؛ ابن الصلاح و ابن السبکی کبی
ائمة علمک تحقیقاتنه نظراً امام غزالی نک اثری دکلدور. (تدقیق و تلفات)


تعدد درجات نفس بر حسب مراتب غزالی عاصف ایدرینک صبا به صفا
برقعاته ره وارمه

انقسام در؛ روح نفسی و خالق بیلیر. روح، اساساً غیر مخلوق، باقی و بذاته قائم و واحد بر جوهر معنوی در. قبل تعلق الابدان جوهر واحد در؛ کثرت و مفارقت یوقدر. فلانک و یا فلانک روحی دکل علی الاطلاق روخدر.

روح، بدن اول موجود ایسه ده ارواح بشریه، یعنی روحك ابدانه تعلقی بدنك حدوثی ایله برابر در.

[مابعدی وار] آتسه کیلی

احد هدی



انسائلر انصاف ایتسه لر...

دیار شرقده خنده استخفافله کوشه نیسانه آتیلان، فقط، قدرشناس غریبیلرک ایادی احترامنده دولاشان «مقامات» نده حریری مرحوم «لوانصف الناس لاستراح القاضي = انسائلر انصاف ایدرلرسه قاضی ده استراحت ایدر» دیمش.

اگر بوکون خال حیانه اولوب، بزمه برابر - احوال حاضره نك چتینلکی دولایسیله - اولیای امورده کی رنگسزلکی مشاهده - ایتسه یدی: «لوعدل الناس لاستراح الافراد والشعوب = قطب سیاسیلر؛ عدالتله حرکت ایدرلرسه افرادده، ملتدرده استراحت ایدر». حکمت سیاسیه سنی علاوه ایدردی.

معلوم آ! انسائلر؛ نظریاته پك دوشکوندلرلر. اونی آلاندیرلرلر، پولاندیرلرلر. تقدیس و تکریم ایدرلر. فقط اعماللرینه، افعال حیاتیله لرینه تطبیقه کلنجه؛ قرق دره دن صو کتیرلرلر. ملکات عقلیه و تجربه لرینی هوسات نفسانیله لرینه فدا ایدیورلرلر. تاریخی عبرتلری؛ سیر فی المنام کبی تلقی ایدرلر.

سنه لرجه حضور و راحتق سبب ایده رک اکتساب علوم ایتش عالملر، سبجل احوال عمومیه بشری تدقیق ایدن سیاسیلر، عضویاتی تحمیل و تشریح ایدن طبییلر، سجایای بشری تحقیق ایدن اجتماعیاتجیلر، بشریتک موازنه

ممتاز اولدی. بعده وساطت آدم و حوا ایله عالم صورت و شهادته هبوط ایدوب بحسب الاستعداد هریری صورت انسانیله وجود عاریتی متلبس و سایهای کنکره کبی متعدد بالاجساد اولدی!...

غزالینک بو فکری، محی الدین عربی حضرتلرینک بوباده کی فکرلرینه پك یقین در؛ همان عینی در. غزالی ده محی الدین کبی «روحك تعینی جسد ایله اولیور؛ وبعد مفارقة الابدان جسد اولنده قازاندینی احوال و اوصاف ایله متعین اوله رق قالیور» دیمک ایستیور.

دها صکره جناب امام بومقامه وارد اولان برسؤاله جواباً دیورکه: «روحك بدنه مفتقر اولمایه رق قوامی مشکل برشی دکل در؛ اصل مشکل اولان جهت، روحك بدنه تعلقی در. زیرا بو تعلق ناصل اوله بیلیرکه: روح، اعراضك جواهره حلولی قیلندن اوله رق بدنه حلول ایتش دکل در. چونکه روح، کندی نفسی ایله قائم بر جوهر اولوب هم کندی ذاتی، هم ده خالقنی، خالقنك صفاتی بیلیر؛ و بویلیشنده حواس دن هیچ برشیته محتاج اولماز. [چونکه کلیاتی بالذات ادراک ایدیور.] زیرا بو معارفدن هیچ برشی محسوس دکل در. انسان بدنه ملابستی حالده بوتون محسوساتدن، ارض و سما و سائر اجسامدن غافل اولدینی حالده ینه کندی ذاتی، ذاتنك حادث اولدینی، بر محدثه احتیاجنی معرفته مقتدر در. بر حالته محسوساتدن هیچ برشیته وجدانا فرق و تفهیمه مقتدر دکل ایکن ذاتی تعقل ایتش اولیور [۱]

شمعی غزالینک روح خفنده کی فکرنی خلاصه ایده جک اولورسه ق، شو نتیجهیه واصل اولورز: روح، کمیت و مساحه آلتنه آله مایان برلطیفه مدرکه ربانیله در؛ بر نور الهی در. بو نور الهی مکان و زماندن، اجسامه یتشمکدن، حلول و دخولدن منزهدر. بسیط و غیرقابل

[۱] غزالی ده ابن سینا کبی، روحك ادراک و تعقلنده بدنه محتاج اولدینی، بناء علیه بعد مفارقة الابدان ینه بوضورتله بقاسنده مشکل اولدینی سویلیور...